



**Vijeće za konkurentnost**

Broj:02-02-895-1/16-XXXI  
Jablanica, 25.05.2021. godine

**Izvod iz zapisnika sa XXXI (31) sjednice Vijeća za konkurentnost općine Jablanica održane dana 25.05.2021. godine sa početkom u 14:00 sati**

**Prisutni:** Damir Šabanović – Općinski načelnik, Dženan Mulahasanović – Sekretar Općine, Emir Muratović –predsjedavajući OV-a, Amel Halebić – Udruženje privrednika Jablanica, Elma Bajramović – Jablanit d.o.o. Jablanica, Edin Budim – Labrador d.o.o Jablanica, Ramiz Zahirović direktor JP EP BiH - Podružnica Jablanica, Admir Đelmo - Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Amela Muratović - Služba za LER, investicije, finansije i trezor, Jasminka Omanović - Služba za LER, investicije, finansije i trezor i Ivica Sivrić, v.d.direktora REDAH-a.

**Odsutni:** Muamer Džino – Euro kamen d.o.o. Jablanica, Uzeir Zahirović – BH Granit, Fadil Kevrić – Elektrofak d.o.o. Jablanica, Jusuf Džafić - Voćepromet d.o.o. Jablanica, Jusuf Maksumić – Restoran Maksumić, Martin Zelenika – predstavnik JP EP HZHB.

Zamjenik predsjedavajućeg VZK -a Dženan Mulahasanović, pozdravio prisutne, te konstatovao da sjednici VZK-a prisustvuje pet (5) članova javnog sektora i četiri (4) člana privatnog sektora, te se može pravovaljano odlučivati.

Predložio slijedeći Dnevni red:

1. Izvod iz zapisnika sa XXX (30) sjednice VZK-a
2. Izvještaj o ostvarenju godišnjeg plana implementacije Integralne strategije razvoja općine Jablanica za 2020. godinu
3. Pregled strateških projekata i projekata koji mogu doprinijeti implementaciji strategije
4. Odluka o donošenju mjera za pomoć pravnim i fizičkim licima koja su za vrijeme trajanja pandemije koronavirusa, obavljali djelatnost u otežanim uslovima
5. Javni poziv za učešće u programu subvencioniranja privrednih subjekata na području općine Jablanica u 2021. godini-Nacrt
6. Javni poziv za učešće u Programu poticaja MSP u općini Jablanica u 2021. godini.
7. Razno

Predloženi Dnevni red jednoglasno je usvojen.

**Ad. 1. Izvod iz zapisnika sa XXX (30) sjednice**

Dženan Mulahasanović daje izvod iz zapisnika na raspravu.

Obzirom da nije bilo primjedbi na Izvod iz zapisnika sa XXX (30) sjednice VZK-a, isti je jednoglasno je usvojen.

#### **Ad.2. Izvještaj o ostvarenju godišnjeg plana implementacije Integralne strategije razvoja općine Jablanica za 2020. godinu**

Dženan Mulahasanović daje drugu tačku dnevnog reda na raspravu.

Stručni savjetnik u Službi LER-a Jasminka Omanović ukratko obrazložila Izvještaj o ostvarenju godišnjeg plana implementacije Integralne strategije razvoja općine Jablanica za 2020. godinu, te dala određena pojašnjenja na sam Izvještaj.

Jednoglasno usvojen Izvještaj o ostvarenju godišnjeg plana implementacije Integralne strategije razvoja općine Jablanica za 2020. godinu

#### **Ad.3. Pregled strateških projekata i projekata koji mogu doprinijeti implementaciji strategije**

Dženan Mulahasanović dao osvrt na tačku 3. dnevnog reda, te istakao kako je Nacrt strategije završen i biti će ponuđen Općinskom vijeću na razmatranje na narednoj sjednici. Kompletan dokument Strategije razvoja općine Jablanica za period 2021. – 2027. godina-Nacrt, se može preuzeti na web stranici Općine Jablanica.

Nije bilo diskusije po ovoj tački dnevnog rada.

Jednoglasno je usvojen Pregled strateških projekata i projekata koji mogu doprinijeti implementaciji strategije

#### **Ad.4. Odluka o donošenju mjera za pomoć pravnim i fizičkim licima koja su za vrijeme trajanja pandemije koronavirusa, obavljali djelatnost u otežanim uslovima**

Dženan Mulahasanović istakao kako je zaključak VZK-a na prošloj sjednici bio da se sredstva vlade FBiH u iznosu od 53.400,00 KM ukupne sa sredstvima Budžeta Općine Jablanica za 2021. godinu, kako bi se pripremio jedinstven javni poziv, te je u tom pravcu i predložena Odluka koja će biti razmatrana na narednoj sjednici OV-a.

Nije bilo diskusije po ovoj tački dnevnog reda.

Jednoglasno je usvojen prijedlog Odluka o donošenju mjera za pomoć pravnim i fizičkim licima koja su za vrijeme trajanja pandemije koronavirusa, obavljali djelatnost u otežanim uslovima, te će isti biti predložen Općinskom vijeću na razmatranje.

#### **Ad. 5. Javni poziv za učešće u programu subvencioniranja privrednih subjekata na području općine Jablanica u 2021. godini-Nacrt**

#### **Ad.6. Javni poziv za učešće u Programu poticaja MSP u općini Jablanica u 2021. godini.**

Pomoćnik načelnika u Službi LER-a Amela Muratović ukratko obrazložila oba javna poziva. Istakla kako su isti pripremljeni na osnovu Programa koje je donijelo Općinsko vijeće. Kad se tiče imenovanja Radne grupe/Komisije koja će raditi na oba javna poziva, neophodno je da Udruženje privrednika općine Jablanica predloži svog člana u navedenu radnu grupu/komisiju.

Amel Halebić predložio da se sredstva poticaja za MSP umanje i preusmjere u sredstva za nabavku opreme.

Ramiz Zahirović smatra kako ne treba umanjivati sredstva za poticaj MSP.

Dženan Mulahasanović predložio da, kad se tiče raspodjele sredstava po Programima unutar javnog poziva, Općinski načelnik donese konačan prijedlog.

VZK izrazilo podršku obavljanju dva javna poziva za poticaje u zapošljavanju i nabavci opreme.

Zadužuje se Udruženje privrednika da do četvrtka, 27.05.2021. godine dostavi prijedlog člana radne grupe/komisije.

#### **Ad.7. Razno**

Ivica Sivrić, v.d.direktora REDAH-a prisutnima predstavio dva nova javna poziva. Jedan poziv raspisuje ILO, a drugi javni poziv se odnosi na projekat EU4agree (rok za prijavu 18.06.2021. godine). Istakao kako se na javni poziv koji je objavio ILO može prijaviti više partnerskih općina, uslov da je zaposli 35 novih radnika. Takođe, naveo da ovaj javni poziv obuhvata obuku, odnosno, prekvalifikaciju radne snage.

Općinski načelnik Damir Šabanović istakao kako Općina Jablanica ima interes za obukom/prekvalifikacijom radnika u oblasti tekstilne industrije, obzirom da je u Poslovnoj zoni Unis uskoro otvara firma koja će se baviti šivanjem sportske opreme.

Zaključak je da Općina Jablanica upozna predstavnike Absolute group d.o.o. Travnik (investitori koji otvaraju pogon u Poslovnoj zoni Unis) sa mogućnosti prijave na javni poziv, te obuke potrebnog broja radnika koji bi radili u ovom pogonu. Istima je neophodno poslati smjernice i vidjeti da li su zainteresovani za ulazak u ovaj projekat.

Sjednica VZK – a završena u 15, 28 sati.

Zapisnik vodila

Azra Babić

Predsjednik Vijeća za konkurentnost

Jusuf Džafić, s.r.